


# 城垣圖

城圖

卷四

建置志

一





城圖

卷四

建置志





# 堰土

# 圖

## 卷四圖

巨豐堰

永豐堰

## 建置志

三






卷四 圖

巨豐堰 永豐堰

建置志

四





秀山縣志卷第四

建置志第三

秀山故四洞長官司地諸司舊各有城其屬部土目某羅星縟並各置城以自蔽衛百里之內列雉相望故今縣地以城名者不下十數承舊稱也然皆偏在西南其東北百餘里則置縣時割酉陽地所附益者縣城宜居適中之區故都不因舊城今城基蓋邑梅長官司北境也初立縣治三合場乾隆二年始徙今治於時夏景馥知縣事乃起築土城高一丈一尺厚六尺覆瓦爲屋開四門東曰森秀南曰炳秀西曰鍾秀北曰涵秀三面臨水地依形便而規制湫隘罕閎麗之觀焉嘉慶二年東南苗事新定知縣陳人驥通牒大府言土城卑圯難資馮守請改甃石

卷四

建置志

一

城周五百六十二丈五尺高二丈五尺厚一丈三尺下基二丈堞口一千六十二仍建四門更定其名曰延曦鳳翔涵秀拱宸門上並起重樓舊置礮臺四今並傾廢光緒九年東南坍塌裂廿二丈五尺損堞口六十五十一年知縣余恩鴻率吏民出資興修不請官帑城內經緯二涂中爲十字街稍西有小十字街餘衢巷則東南三爲聯陞街一曰鴨子塘雙鳳街順城街西南六爲三元街一曰香巷興隆街朝陽街麻陽街半邊街清正街一曰雞市西北二爲柴巷後堆子光緒十六年大起四城木柵以時隄閉城濠舊因江流自南西繞北屈曲環周三門咸豐九年大用兵討松桃山寇知縣劉鍾璟募鄉兵防城始督役開鑿附城小濠深不及丈濶過之四門各建橋以通行路焉承平旣久



四城濠竝壘塞無蓄水今知縣王壽松募工疏濬引水種荷積  
淤竝開城中舊無井泉汲飲頗艱軍興尤苦之同治元年知縣  
吳森始鑿西城為陰溝深下數丈通引江水作方井承之民大  
稱便時平則稍嫌不潔無復過汲今遂堙夷將為平塗矣

知縣署在東門內乾隆五年知縣夏景馥建前後堂三重並庫  
獄六科房共支帑銀六百一十五兩有奇其後知縣吳桂常天  
佑張銳堂各一修皆增飾庭館惟銳堂改作前門加高舊門數  
尺近歲監獄頽敝知縣王壽松繕葺牆宇竝修治內外堂廡垣  
壁加丹堊焉儀門左為衙神祠祠東接常平倉有倉神廡自倉  
迤北林木疏映則署後菜圃也

卷四

建置志

二

可知者典史裘良駿華松二人乾隆六十年大軍征黔楚叛苗

大學士孫士毅駐縣轉饗隨從諸官皆借居署廨因增置館宇

今竝摧敝荒蕪棟椽僅存而已

遂甯張問陶乙卯春日寄懷外  
舅林西崖先生時督糧秀山詩  
曰弓刀影裏鬢蕭蕭幾載征塵萬里遙才掃戰雲清絕域又援  
桴鼓問頑苗兵刑任重愁邊鐵石心孤感聖朝莫歎從戎  
人漸老將軍還是霍嫖姚綿竹何人鶴營中連日大雪呈總理  
糧臺孫白雲太守詩曰連宵大雪不禁寒牛背生冰馬沒鞍共  
向營中誇李愬誰從幕底訪袁安炭方有勢珠爭貴詩到無聊  
酒竝酸喜遇故人孫太守清晨猶為餉豬肝典史陳兆沅秀山  
官齋襍興詩曰散吏門庭似水涼蕭齋高詠許清狂四圍樹影  
青連榻一徑苔陰綠上牆花好正思畱客醉雨餘恰為看山忙  
琴書自歎飄零久  
忘却他鄉是異鄉

巡檢署在石堤其興修年月及所請官帑同典史署道光中巡

檢徐樹棠略增葺之咸豐八年巡檢杜維崧復一修今其前後

堂門皆整潔閱敝則巡檢李鴻恩出奉錢率士民助資新葺者



也巡檢李鴻恩重修石堤巡檢官署碑曰宋時州縣襍官有巡  
比諸縣尉尉漢制尉秩二百石縣一人大縣或二三人宋之巡  
檢無員額不在品流大約沿邊沿海諸隘置之或以材武當選况  
其時縣各置尉猶是漢官舊名則宋巡檢不得比漢尉至元升  
巡檢於從九品明制因之於是關津要地皆設焉秀山居蜀東  
南邊要至其重嶠包阻山隄去縣治東又百一十里交連荆楚含蠻  
帶蠻至其重嶠包阻山隄去縣治東又百一十里交連荆楚含蠻  
既塞也雍正末罷洞司建流官即置巡檢於此以重譏防法至  
良也積久浸益情敞往規光緒不舉職徒務自肥官舍不修坐任  
墮或墜越既至時嚴整之規光緒不舉職徒務自肥官舍不修坐任  
懼處也數年以來勤慎自勵裁蔽風雨思所以盡職事未暇謀  
居廢址出奉錢市材木馮基興構以爲退息之所居益敞乃先就後  
堂改葺內外堂門以問薦紳耆老僉曰可哉於是校工程役拓  
議舊制士民輸材助金道路說然重煩吾民其中堂及廚溷  
諸有室皆仍厥舊毋改作也余因益念興廢之不易懼物力之  
涸傷既畢役乃衰回瞻顧竊惟一瓦一石一宋一楠皆吾民所  
爲竭蹶經營者也彼甘其苦余獲其安而或者山水藜藿之區  
猶盛地豺狼之迹宵柝數警巷犬夜吠旅途荒深行子傷恐  
則巡檢爲不職而民且怨對之矣夫漢世漳謚之風邈矣雖未  
能比古丞尉助令致上理而所謂巡邏警盜誠修率其職亦一

卷四

建置志

三

時之良焉入此室處益怡然卻顧而長慮也光緒十四年孟冬月絳州李鴻恩記

訓導學齋在學宮左乾隆廿八年知縣邊鏞建明倫堂及五十八年置縣學訓導穆世楷蒞任始增拓之光緒中重修學宮以餘材置西廂書房後有倉一間以貼學田租穀歲收穀計秀斗

三石有奇錢五千零資學官一歲之食焉

地壩田三區馬家壩田一區社可壩田十

四區龍洞井田四區貴圖田一區茅壩田十四區土二幅廣泉田一區黃金田一區石堤土一幅貴圖後山土一幅署前地基

二幅其捐置年月並無攷

副將牙門在縣治西舊爲參將署乾隆二年知縣夏景馥承建四十二年參將岳澗補修及綏甯改協副將因舊居之儀門左有土神祠祠連射圃北上南鄉有箭亭三間副將以時習射者也門右爲相國祠其後連房複闢屢經增飾頗盡園亭之勝今



竝荒圯矣傅作珩相國祠壁記曰官之職守重在關防關防所

慎所司也秀山為川東門戶四省毗連雍正時改土歸流始設

縣治立營伍以參將控制其地自嘉慶初年苗變復平改為綏

甯協統轄五營崇其職即以其地自嘉慶初年苗變復平改為綏

署諸務悉備惟文案科房狹小卑陋在人耳目所屬之地帥斯

職者往往因陋就簡習焉不察豈其中之有不逮歟抑亦識之

有未克也文武並試遂游武庠聯捷成進士以故識見超卓學問

術弱冠文武並試遂游武庠聯捷成進士以故識見超卓學問

深遂其素所蓄積也光緒紀元由酉陽遊府移權協篆見其彬

彬有儒雅風知其寢饋於古者深矣履任後和易近人一切營

制不輕議更張因見文案稿房祇矮屋三楹六曹雜沓文帙充

棟司筆札者幾於置研無所而又以相國祠附祀其中獨不思

何以重關防而肅號令立議創修稿房於二堂西偏分六科講

六法由宅門以稽出入使之事有統屬責有專司又別建相國

祠於儀門外右隅與陞官祠列峙東西其大樹齋擁翠亭則因

地制宜蔚然可觀於大廈連雲之外忽覩曲徑通幽之致其胸

躍輸將一呼而巨款集焉於丁丑春暮經始不兩月而工竣成

功若斯之速也從此官防嚴密規模整肅豈尋常之經營徒為

快意適觀云爾哉嗟夫凡人之有大識見大才力者不必見於

卷四

建置志

四

遺大投艱之時即一設施一措置無不可以規其經猷悉其梗

概以數十年人所不經意之事一旦高其閎尊其體統清其

案牘隆其祀典關防號令胥於是出非具經世之才抱匡濟之

略而能如是之興所當與乎將來登壇號令秉鉞指揮作砥柱

於一方寄長城於萬里其展布又不知如何遠大矣功業其可

量耶董其事者為黃味山何瑞峰助而為理者為李香園瞿寶

山劉子鴻田子諸君上下一德眾志成城未嘗不相藉與有

成也然則不獨我業廷都督勒旂常名崇帶礪其兆有基即

六科中亦必有人才崛起功名奮興者已於氣象間得之也

都司署在城東嘉慶二年知縣陳人驥承建專城汎所又在其

東舊有領哨千總署在城西南久圯今惟廢基存焉千總皆僦

居民舍及馬神祠內凡諸營汎所在縣境者並著地圖中其興

修同在嘉慶二年茲不具列也

火藥軍器局在城東南乾隆初建其後副將王楷改修之凡貯

火藥軍器具詳兵志城內營房二百九十三間五城堆卡各三

火藥軍器具詳兵志城內營房二百九十三間五城堆卡各三



間並建於乾隆二年後屢增葺右營營房一百五十間石耶汎四十間石堤汎三十間邑梅營營房一百二十間晏農汎五十間巴家汎五十間濫橋汎三十間則皆嘉慶二年知縣陳人驥所修起也

演武亭在南門外乾隆二年建嘉慶初復一修環亭地頗寬曠諸營以時練軍習武於此民間通謂之校場云

凡壇廟書院在禮志市集橋渡竝附地志

考棚在城西北隅初縣試無定所就知縣官署局試之士苦置襍咸豐五年知縣李漸鴻始議興修出私錢千緡爲倡民士感焉相率助資旣成漸鴻自題其堂額堂後館宇數重閒靜修整東西棚坐容千餘人規制宏敞矣

卷四

建置志

五

常平倉八十一廩在縣署左額貯穀二千石加貯穀一萬五千五百廿二石有奇自咸豐以後軍興費煩頗移用常平穀八年知縣劉鍾璟移用穀三千石同治元年綏甯鑲緡知縣吳森請動穀二千石給左右邑梅三營卽於三營鑲內准價扣存藩庫銀二千七百五十兩二年森復移用穀三千八百七十五石有奇以養防兵三年知縣吳學曾移用穀八百六十四石竝准價扣銀二千六百兩有奇存布政司庫光緒六年通判陳慶源承總督檄清視倉穀實計存穀七千七百八十三石知縣楊振鈞牒請藩司發價買補尋領存庫銀二千六百六兩五錢九分五釐補貯穀四千七百卅石少今存倉穀實得一萬二千五百廿二石有奇義倉穀千石則振鈞以縣人秦庚徵還存公銀千兩



所購置者別貯一倉亦在署內

備荒積穀倉散貯四鄉公所或存寺觀光緒七年總督丁寶楨大興積穀檄下州縣知縣楊振鈞分里督勸凡存穀一千二百石邑梅里以團練修整先時積穀尤盛有倉六十二廩分貯各團實存穀二千八百石有奇最少者莫如東北諸里分樂歲之餘粟以備凶荒民力不困所濟實多然日久弊生宜以時稽查勿徒張文簿備名額而已

釐金局在縣東水壩去石隄五里官府文移通云石堤釐金據大名也咸豐九年寇起松桃貓山綿州知州毛震壽總辦西秀軍務總督檄令就地籌餉震壽難之石堤巡檢杜維崧因請置局徵釐既牒上商賈大謹事幾沮廢維崧復委曲勸成聽民

報納不爲苛擾或頗有欺隱莫之覈也初議寇平罷徵久之乃習安若忘無請停免者監司時苦費絀遂亦聽之軍興以來治兵大臣多喜言釐金所在安局以千百計石堤釐金旣不得裁與天下一律矣然秀山已久無寇則取所歲入以給綏甯左右邑梅三營抵兵丁米折銀撥款存藩司庫光緒中總督丁寶楨立比較法以三年通計之視其贏絀行賞罰焉石堤歲徵釐凡萬金

堰隄者水利大工也環縣多山所在石泉迸發夾山而田者恆仰給洞水以爲漑潤不藉溝渠惟西北多廣原大陸故獨亟亟言水利平茶地壩月旗數里沃壤連塍以饒衍名一縣其巨豐永豐二堰並萬金之工也巨豐堰始築於乾隆卅二年里民楊



文臣粟大化夏玉卿請官丈地開修田主各按畝輸錢不請公帑其後道光十四年一修之光緒五年蛟出西鄉大水壞五捲白茂二橋丁朝佐鄧青雲等復倡計畝均派之議逾時修復工亦數千金二橋者皆堰水所經越澗引注者也永豐堰修廣竝殺於巨豐嘉慶廿五年安洪芳吳文儒張仕績等開置道光四年堰隄崩壞應時補修外此或因自然澗流分引散注決隴蓄陂皆非有大工役若溶溪大堰平棋中堰土塘堰涼水井堰下水溪堰水漂溪堰湧洞大堰溉田或數千畝或數百畝縣溝渠不僅此其得於采聽如是云爾若興水利當履勘目驗因地施宜不恃此也

卷四

建置志

七

來大臣知兵若胡林翼駱秉章每斤斤言之秉章既倡行於湖南州縣及督四川則通檄所在修築縣民狃承平習安樂未肯遽興作也時在籍郎中王達琮受

詔命治本鄉團練因極言便利切切勸率之姚建春王富宗倡聲起應工勞費煩頗致謫議凡民之情難與圖始大較然也然南鄉砦堡堅整甲一縣其後數數被寇民倚爲重始翕然頌達

琮云往當遵義殘寇千人道境濫橋汎邑梅營相繼淪陷鄉氓

倉皇奔避百里蕭條

王達琮乙卯三月述事詩曰苦人恃僻陋云誰以我虞狡焉思啟者突然入其都宴

安同鳩毒除戎消覲國重經武金甌奠方隅承平寢以久文治益以敷虎賁崇脫劍華士輕奇謨世事尙因循處賊執受洋船西南來和議甘醜奴國恥誰爲雪神器誰爲扶封豕肆湘南逆李膺天誅未昭武事備仍蹈墨吏汚民生多菜色民產罄鎔銖遂使粵西地妖氛彌桂梧流血赤七澤暴骨莽三吳聖衷憫黎庶屢諭練民夫綢繆須未雨羣然笑我迂杞人徒憂



天掣手事多拘不思深掘井臨渴難遽圖天心未厭亂貪人竟  
加租孽生黔中地安壤變危途桐匪恣跳梁彌年漏追逋鄰境  
竟殃及倏爾入郊郭松郡驛遞杳柳營偵探疏時三月既望傳  
言夜相呼拒河虛畫策請兵遲虎符團務既中弛詎可集斯須  
倉卒議招勇鼓行與兵俱距邑將半里傍午久踟躕誰云南山  
險兵機失負嶠徒然撤橋木距躍可超踰是時賊尚遠十里阻  
崎嶇轟轟炮空發駭然震街衢民婦倉皇走野哭聲喁喁幼稚  
慘誰抱孱弱病誰扶老夫食未咽聞聲且東徂遙望滾牛蕩林  
木森扶疏回首柏樹原兵氣稿欲枯但見官軍退不見賊騎趨  
援軍方遠來返旆胡爲乎竟棄土城走揮鞭掣電驅旌旗橫拋  
擲鳥禽各散殊兵遁無踪影賊進尚遲濡兵賊兩未見底事紛  
奔踣盜糧齋可歎寇兵藉足吁蕭條營中署寂寞梅市廬民財  
擄已空民產破欲無山川氣悽慘止屋愁瞻烏義憤深鄉勇跟  
追決免狐及之火燒橋斬馘奮刀鉄擒其偽將軍勇氣奪虎跟  
寥寥數十人登嶺心不渝逡巡兵莫繼遲回日已晡翻欲冒其  
功狡獪蒙鄉愚更有百夫長鷹視何瞿瞿不顧民生命潛焉寄  
其孥握刀阻眾避大言輕頭顧未見賊退走行徑同穿窬領軍  
復遁逃而云跌腰臉拙哉綏甯協心計亦何處不思申軍法翻  
爲蒙當途云賊間道過營汎嚴鼓桴盜鈴空掩耳苦心與支吾  
惟有縣令李臨事不糶糊募勇兼籌餉應變在須臾督率進追  
剿稍稍獲其俘亂國用重典賴此靖萑苻敬告梓里人防患策  
當紓賊來且無懼賊去且無愉積薪憂厝火枕戈夫豈徒但效

卷四

建置志

八

補牢計猶及興修砦堡未及數年而粵寇李復猷連眾號十餘  
萬入境肆掠獨南鄉無糜爛之苦此固近事明驗大效也邑梅  
既以砦堡保完鄉閭於是民間競慕之一時並起修置平茶以  
無守備嬰粵寇之禍最酷故尤汲汲焉邑梅大砦曰泰安靜安  
並在黃牛山山舊有泰山營廢址自昔稱形勢矣而靜安獨有  
分砦散置各鄉在水碾爲前砦新地爲中砦總嶺爲右砦大樹  
子爲東砦寨蠟爲西砦寨學普英爲後砦其次則獅山有清安  
砦茶園溝曰達安砦沙子坡曰萬安砦又有崖壘砦白巖砦破  
巖砦崖坳砦皆因地守險不別爲名濫橋則立砦馬鞍山亦稱  
馬鞍山砦最後置泰山砦於白竹園尤高險足依平茶有佛峩  
山闌十洞二砦其餘多據洞穴置卡門工費至簡非經遠長計



也小江之香鑪崖茅尖洞傅家灣厝嘴後山亦各建砦堡第未嘗經寇故民視之不甚重輕久益隕敝矣日旗自同治二年粵寇入犯地當要衝里民相率大建三砦一青龍山一尖峯嶺一黃楊嶺而青龍尤名奇險若五龍山砦則與西陽民共修起者也凡縣境團練整飭無過邑梅足食足兵故頗收砦堡之用他則未能焉然則未練民兵輒言砦堡無所益也王達琮撰團練及守砦章程列著利害言之深切大要民力能自固者利立堡而寇據砦亦大患非徒無益抑又害之誠不若竝罷廢矣

養濟院在南門外律令州縣各有孤貧布花口糧以養無告者秀山四十名歲支口糧銀一百四十一兩六錢遇閏增銀十二兩乾隆二年知縣夏景馥建院舍嘉慶十二年重修之縣孤貧

卷四

建置志

九

什伯其額官士隨時振養知縣王壽松嘗出錢千緡發商取息以佐額糧之不足全濟甚眾同治時里民李春茂捐所當田一分助給孤貧口糧知縣楊振鈞因補價買之歲租秀斛米九斗棲流所在養濟院左以棲流民光緒間洪萬豐施建知縣楊振鈞題其門額

義塚所在有之以葬貧死及無主後者皆官地或民士所施其建置年月及四界所至各有碑記墉壠荒殘無關經制古者掩骼埋胔以爲仁政故附著篇後焉

秀山縣志卷第四